

# 大般若經綱要

## 目 錄

大般若經綱要	序	.....	5
般若綱要	小序	.....	1 1
般若綱要	緣起	.....	1 5
般若綱要	卷前	.....	2 5
般若綱要	卷一	.....	4 5
般若綱要	卷二	.....	1 3 9
般若綱要	卷三	.....	2 3 9
般若綱要	卷四	.....	3 2 9

般若綱要	卷五	4 1 9
般若綱要	卷六	5 1 1
般若綱要	卷七	5 9 9
般若綱要	卷八	6 9 1
般若綱要	卷九	7 8 7
般若綱要	卷十	8 8 5
般若綱要	後序	9 9 3

大般若經綱要序

西方聖人所說修多羅浩汗洋溢。自非摩訶衍上士具聞持海。不足以受。蓋非世間尋常文字。乃出世第一義天也。像法中有龍樹大士。以智辯威猛力。直詣大龍宮中。窮所結集法藏。見華嚴經三本。上本之品。偈皆以微塵數計。中本亦千餘品。約五十萬偈。此二本。謂非閻浮人心力所能持。遂卷而懷之。不傳於世。今之流通震旦。八十一卷者。蓋小本而猶未全者也。於戲。河伯望洋。鸞鳩控地。以此知佛演說海。佛言詞海。非凡小之見。可窺測矣。大般若經六百卷為一大

藏之冠。然文有定品。句有定數。凡有目有口。可捧可觀。可讀可誦。然而禪叢講肆。展閱者良少。得非畏其繁重。不若八十卷之華嚴。尙有諷誦者歟。以此徵龍樹之言。能洞悉眾生方俗根解。非苟然也。余年運既往。謝事宗社。從旦至暮。略披一二。諸健苾芻見而笑曰。惡用是矻矻爲。君子三戒。血氣旣衰。戒之在得。況在老尊。宿數欲何所冀。而用是矻矻爲。余方捧經弗應。心知其惜我筋力。直未同我心志耳。甚矣。深經之難聞。菩提之不易種也。因作尊經遠邪論。以救末劫。七空居士葛公毅。調見之喜。而擊節焉。蓋葛公正以

是經文句山積浩難沙算。矢志節略。以便持受。不期而合。緘書脩贄。持其錄本。就正。余歎曰。語有之。磁石吸鐵。芒針引線。蓋言流濕就燥。物從其類也。余與葛公素昧平生。乃因此作合。葛公方獲余之心。余亦能通葛公之志。往昔殆皆般若會中人也。於是發經觀之。綱要條理。井井有序。約六百卷之文於五冊。綱要在是。全經在是。其節繁去。複裁酌。運筆大費精思。緣起六條。載諸卷端。公蓋幼希出世。長閱滄桑。書史之餘。雞鳴而起。孳孳焉。正如空山老衲。諷是經爲日課。誠所謂正信希有也。古稱五度如盲。般若如導。此經

宏詞妙辯。層見疊出。其闡揚佛慧深廣幽玄。殊為法  
 門修習之要。此龍樹大論所由作也。惜今緇流宿學。  
 有白首若不聞見。况悉其義哉。坐見黃口僧雛。每效  
 呵佛。白衣廣額。咸易說禪。將非魔作佛。惱亂我心者  
 耶。嗟嗟有生。疲薊世間。靈根自棄。髮雖短而心甚長。  
 蓋皆長於攝生。而不知所以生。或長於世智。而不長  
 於般若。且不知經之與禪。從一佛流出。佛外無禪。經  
 中有趣。初無文字之相。又何禪教之歧乎哉。夫世相  
 無常。上天難諶。蓬萊之水清淺幾回。金銅仙人淚流  
 一夢。苟能聞薰般若。承事空王。馭娑館。尋香城。可不

8

作異觀。菩提場。缺陷界亦混成一相。卽祇桓。梵唄。洙  
 泗絃歌。究竟無非一音。吾知葛公夙興夜寐。從事深  
 經。其所得多矣。填吹篳應人有同心。能不興起而想  
 見靈山之法會焉。是為序。

康熙十年辛亥四月望日古南樗叟通門牧雲氏書

於懶齋之雨窗

9

般若綱要小序

夫般若者離言說相。離心緣相。迥絕中邊。超諸限量。烈燄寧容。湊泊。迅雷不及。思量。鞠其根源。覓一字脚。了不可得。乃大藏經中。究覽部類。至六百卷之多。將毋文字般若。與實相觀照之旨。固有大相徑庭者乎。曰。何爲其然也。自有祖以來。固曰不立文字矣。曰。別傳直指矣。然離教而叅。離教而悟。則先德所不許也。必以默然無言爲極。則事謂纔開口。便落今時。大慧所訶爲默。照邪禪者也。故雖有口。只堪挂壁。仍不礙橫說豎說。雖戒人抄錄其語。而善說法要者。自一言

般若綱要小序

半句。以至遍界遍空。相續不斷。爲無盡藏。如或文字作文字解。無文字作無文字解。非從葛藤中絆倒。卽向黑山下躲跟。皆不免擔板之譏。墮落兩頭。未識宗趣者矣。曹谿大師示不識字。然亦從般若半偈。頓徹心源。而忍祖嘗勸人誦金剛般若。今是經流轉最廣。智愚咸習。則黃梅會中。爲之發起也。是故縮之則無住一言。該般若全部。不爲少。展之則六百全經。用剖破微塵。不爲多。乃至森羅萬象。義海炳然。雲行鳥飛。風動塵起。種種現前。咸是第一波羅蜜多。彼情存數量。計少計多。未達法源。徒成戲論。茲藏本大般若部

凡六百卷。於世界海。剎塵數修多羅中。僅毛頭許。而  
我等心量味劣。未免望洋。品目弗窺。況及義趣。吾友  
復菴居士。七空別號。剋究大法。既積歲年。向上一機。忘言  
默契。游泳之暇。彌更溫研。首尾紬繹者。三載。念部帙  
繁多。鮮能卒業。而其間義同文複。亦不可致詰。雖大  
聖微言。或繁或簡。未易以常情臆測。而流通無力。披  
覽多艱。接物之緣。將虞或闕。敬殫心思。提綱舉要。約  
爲十卷。略備大觀。使一切獲覩。是編者。登第一義天。  
而天光常發。入法流漩。復海。而具足海味。弘法之懷。  
勤且切矣。倘增慢禪流。更撥拾緒。言謂我宗無語句。

亦無一法與人。敢問如是十卷。左文爲是語句。爲非  
語句。是有法與人。是無法與人。請具眼者。試判斷看。

濟宗學人法同學弟張立廉拜述

般若綱要緣起

一提綱要。般若者何。般若部爲三藏之首。大般若又爲般若部之首。茲爲大般若波羅蜜多經也。經凡六百卷。字字談宗。其文浩博。茲提綱要以明宗旨也。昔永明禪師輯述大藏爲宗鏡。而不存經教之名。則夫後之以經爲教者。其見斥於師也明矣。矧大乘般若諸經之最尊最上。假言說以顯無言無說。晰名相以顯無相一相。而總銷歸於無所有不可得。此其所談者何事。猶以教字活埋之。解經而不知經。誠自障也。後來祖師語句。如四句百非。有句無句。皆謂祖

般若綱要緣起

般若綱要緣起

師創建爲不立文字之宗。而不知一本大經釋迦如來金口宣之矣。蓋如來所以爲教。祖師所以爲宗。無二無別也。且如來聖中之聖。寧不知後此文字繁興。而早墮言詮以爲之備。其不能離文字以爲教。卽其不能不離文字以爲宗也。特大經卷分六百。葉計萬千。名相析別。宗旨立破。不爲提綱舉要。觀者能勿望洋。正使終帙猶難。何況思惟修證。徒成皮閣流覽。莫遇如此大經。敬奉有餘。親聞不足。非所以助揚聖教。啟迪初心也。卽如經中增語二十卷。諸法不可得。增語亦不可得。扶其指歸。僅綴三行。便得穩括。又如清

淨一百一十三卷互融諸法。一多交注提綱五葉亦已無疑。全經提掇悉皆倣此。如是經文就簡義無或遺。毋俟博稽方窮玄旨也。

一詳條理。既提綱要遂晰條理。綱要所以明宗旨。條理所以通機緒。經中有菩薩問而如來答。有如來話而菩薩對。有菩薩與菩薩問難而如來爲之勸讚。爲之證記。亦間有請問當來慈氏菩薩而如來復爲之證明者。層次循置機緒相宣。一本原文各還起訖。有一問一答。有數問數答。有數十問而數十答。句有來源義無斷續。

般若綱要緣起

一三

般若綱要緣起

一四

一順經文。依經字。嘗讀慈恩法師傳當日譯經文繁將順眾意除繁去重。夜夢警誠還依廣翻眾師啟請。毋假刪遺。何況凡夫敢效品節無如下士之流通念切。山野之行笈筋枯資微難獲。弘經時暫欣聞博義種種方便遂決探珠。既稟微誠益矢謹恪。經文無一字倒置元脚無一字移改。惟當節宣慎循來脈。閱者已堪灌溉靈苗。讀者仍捧寶函全誦。是以品題起止卷帙載詳。簡首標宗分段眉列。如通鑑有目錄而全史則具在。令得按圖探索。數葉尋行。如線之針引。似闇之炬導。毋費窮翻已到本所。

18



一問答正反不並載。單行隻句毋遺忽。經文有問詳而答又複述者。有反說而正又複陳者。可噓話誠反覆乃辭旨倍溫。權實兼施。正反而義趣洋溢。雖屬重見。何病慙慙。奈卷帙漸豐。則守約宜講。問答毋取兩陳。正反僅開一道。接機遠近。芥捷投針。義融水乳。鐵逢磁吸。至若單詞。乃復隻句。來源暗度。語脈淵微。探會真龍。靡傷斷鶴。

一心經爲般若體要。般若全文六百。心經二百餘字。繁簡不同。實爲體要。其間有建有破。波湧雲興。要歸無智無得。神珠澈映。心經五蘊。六根。六塵。十八界

般若綱要緣起

一五

般若綱要緣起

一六

說起。乃至菩提薩埵。三世諸佛。般若並同。第其中間諸法名相。六度萬行。立破層翻。奚止數百。而掃規却跡。弗留纖痕。神源寶珠。不踰無智無得兩義。心經對待語句。只以生滅垢淨增減三義括之。般若所載。若常若無。常若樂若苦等。廣說乃至若有若無。若合若散。文非一指。各涵妙義。而三對待。廣略雖殊。實已含攝。心經言諸法空相。空中無色等。而般若疊舉無所有。不可得。心經遠離顛倒夢想。而般若窮辯菩薩魔事。心經神咒作結。卽密卽顯。而般若以六波羅蜜分六會說。收歸全文。蓋真言爲總持門。而六到彼岸又

爲諸法總持。義正相等。心經起文。照空五蘊。更不及  
餘法。卽說度厄。乃至結經除苦。眞實不虛。照應完密。  
般若始終洗發諸法。如幻如夢。乃至如尋香城。而爲  
有情撥轉靈源。弘開願海。成佛度生。其義如是。夫以  
萬三千之弘文。大部提綱舉要。不踰數卷。約矣。心經  
以二百三十字攝之。所謂河沙妙德。總在心源也耶。<sup>21</sup>  
某於此二載間。舒之則般若六百卷。卷之則心經二百。  
從多出少。從少出多。每一誦持。輒標新義。不思議法。  
讚莫能窮。是則綱要無多。全經宛爾。已五百七十七  
卷。能斷金剛分。卽流通金剛經文也。喻指金剛義標。

般若綱要緣起

一七

般若綱要緣起

一八

中道般若骨髓。乃在兩經。特以經題彰顯。不復論列。  
一紀年人。朽疇幼希出世。長遂徑拙。自申酉後。取  
家藏全史筆讀。一過閱歲。歷時裘葛四易。於終卷之  
夕。喟然興慨曰。上下四千餘祀。興亡得喪。盡在是矣。  
從此動厭世之想。謂幻起幻滅。無眞實義。吾道斷非  
興亡得喪間事。不覺由史入禪。求一眞實。信有此事。<sup>22</sup>  
而氣矜猶隆。五情未淡。雖多翻覽。徒徇文詞。縱切悔  
責。叅差未一。近星霜日改。而誦持亦日積。習惱漸爾  
輕安。跏繫漸爾消解。頓念無常。歸心般若。乃思麤  
淨身口。方堪展卷受持。徘徊兩載。至戊申春夏。綿歷

聽講者半年。得輟葦血。遂於己酉新正。開經迄今庚  
戌除月告竣。其間病疽病脫。心則無輟從事。大經  
恰得二年。而以夜分計之。實惟三載。此一時中。更無  
雜想縈繞。亦止餘經兼進。因茲多病。恆慮無常。誓欲  
澈通晝夜。祛除葢眠。當夏候曉露坐庭除。冷泉盥嗽。  
便復開卷。日射几席。乃移入戶。冬夜熟睡。一覺吹燈。  
起坐。雞聲月色。領納甚親。或時紙窗色青。短檠發赤。  
投筆而起。至於居恆鍵戶。以闕自限。惟二時粥飯間。  
歇少頃。卽一淨。亦不遠左右。後圃草色室邇。喁喁。疎  
散如客親者。疑訝。已畢事之日。矻矻乍解。胸臆如釋。

去一物。身心大休。頗爲罄快。是晚忽下停淤。數升。而  
神思略無困倦。自念大經六百卷。闕時亦不下六百  
日。仗此智光照。曠無量積愆。消除無始宿障。誠爲多  
生慶幸。非假僣力。奚從遂邀道侶。陳供全經。筌表如  
雲。虔修懺法。能禮所禮。了不可得。是後終以心血枯  
竭。脾疾繼作。欲書緣起。又復蹉跎。共驚頭目沈沈。自  
喜返視。了了暫推。藥裏疾寫所懷。爲例引六則。繫經  
文之後。蚍蜉撼樹。終哂綿劣。鷄鼠飲河。却已腹果。後  
之君子。正其遺漏。直其拘牽。毋使稍病於經。毋謂僅  
通乎教。宗風助起。實有望焉。崑山葛擘謹述。

般若綱要卷前

大般若經緣起

大般若經諸法要目

大般若經關鍵

大般若經緣起戴大智  
度論

佛以何因緣故說摩訶般若波羅蜜經。譬如須彌山王不以無事及小因緣而動。答三藏中廣引諸喻。為聲聞說法。不說菩薩道中阿含經。雖記彌勒作佛。亦不說種種菩薩行。今欲為彌勒等廣說菩薩行。故說摩訶般若波羅蜜經。

25

般若綱要卷前

一一

般若綱要卷前

一一

復次有菩薩修念佛三昧。佛欲令彼於此三昧得增益。故說般若波羅蜜經。

復次菩薩念本所願。大慈大悲。故初生時放大光明。作獅子吼。出家修道。六年苦行。捨苦行處。到菩提樹下。坐金剛處。降魔眾已。即得阿耨多羅三藐三菩提。梵王帝釋請轉法輪。佛受請說法。諸法甚深者。般若波羅蜜是。是故說摩訶般若波羅蜜經。

26

復次有人疑佛不得一切智。佛自發誠言。我是一切智人。欲斷一切眾生疑。以是故說摩訶般若波羅蜜經。

復次有眾生應得度者。以佛大功德智慧無量難知難解。故爲惡師所惑。心沒邪法。佛以大悲手拔之。令入佛道。欲宣示一切諸法實相。斷一切眾生疑結。故說摩訶般若波羅蜜經。

復次有惡邪人。懷嫉妬意。誹謗言佛智慧不出於人。斷彼貢高邪慢意。故於般若經中。自說神德無量。三界特尊。爲一切覆護。若發一念惡。獲罪無量。發一淨信。受人天樂。必得涅槃。

復次欲令人信受法故。

復次欲令眾生歡喜。故說是般若波羅蜜經。十力大

師難可值見。汝今已遇我。隨時開發三十七品等諸深法藏。恣汝採取。

復次一切眾生爲結使病所煩惱。自有生死以來。無人能治此病者。我今出世爲大醫王。是故說摩訶般若波羅蜜經。

復次有人念言佛與人同。亦有生死。實受飢渴寒熱老病。佛欲斷彼意。故說是摩訶般若波羅蜜經。示言我身不可思議。梵天王等諸天祖父。於恆河沙等劫中。欲量我身。尋究我聲。不能測度。況我智慧三昧。

復次有人應可度者。或以無智。但求身樂。或有爲道

修著苦行。佛欲拔此二邊令人中道。故說摩訶般若波羅蜜經。

復次分別生身法身供養果報。故說摩訶般若波羅蜜經。見舍利塔品中說

復次欲說阿鞞跋致及阿鞞跋致相故。

復次欲說魔幻魔偽魔事故。

復次為當來世人供養般若波羅蜜因緣故。又欲授三乘記莖。故說是般若波羅蜜經。

復次佛欲說第一義悉檀。故說是般若波羅蜜經。有種悉檀見後

復次欲令長爪梵志等大議論師於佛法中生信。故說是般若波羅蜜經。

復次諸佛有二種說法。一者觀人心隨可度。二者觀諸法相。今佛欲說諸法實相。故說摩訶般若波羅蜜經。

復次有二種說法。一者淨處。二者不淨處。淨處餘經中已說。今欲說無淨處。故說般若波羅蜜經。

復次餘經中多以三種門說法。所謂善門。不善門。無記門。今欲說非善門。非不善門。非無記門諸法相。故說摩訶般若波羅蜜經。

復次餘經中隨聲聞法說四念處。今欲以異法門說四念處。故說般若波羅蜜經。

復次餘經中佛說五眾無常苦空無我相。今欲以異法門說五眾。故說般若波羅蜜經。

如摩訶般若波羅蜜無量無邊說摩訶般若波羅蜜因緣亦無量無邊。是事廣故。今略說摩訶般若波羅蜜因緣竟。

大般若經諸法要目細目詳

學般若菩薩所應知  
所應習此成佛法門

世間法      有為法      有漏法

出世間法      無為法      無漏法

五陰 色受想行識

六根 眼耳鼻舌身意

六塵 色聲香味觸法

十二處 根塵

十八界 根塵識

四大 地水火風

四諦 苦集滅道

十二因緣 無明 行 識 名色 六入 觸

六波羅蜜 布施 持進 尸羅 禪定 般若 有 生 死

四念處	身受心法亦
五根	信根 慧根 精進根
五力	名五力增長
四正勤	不善法未生令生 已生為斷 未生不令生 已生令增長
四如意足	正勤心小散
七覺支	擇法覺分 定覺分 精進覺分 喜覺分
八正道	正見 正思惟 正業 正方便 正念 正覺分
九想	張想 散壞想 骨血塗想 膿稠想 青想
八念	念佛 念法 念僧 念死 戒念 捨念
十想	無常想 苦想 無我想 死想 食不淨想

般若綱要卷前

一九

33

斷想	離欲想
八背捨	內淨背捨身作證是初內無色外觀色是三四無色及滅受想
八勝處	內有色相外觀色少若妙若醜是名勝智勝見內無色相外觀色多若妙若醜是名勝智勝見內無色相外觀色多若妙若醜是名勝智勝見內無色相外觀色青大不淨觀治徧一切處食內無色相外觀色黃大不淨觀治徧一切處食內無色相外觀色赤大不淨觀治徧一切處食
八解脫	內有色觀外色解脫內無色觀外色解脫淨勝解身作證具足住超一切色
住想	超一切空無邊處入無邊識處定具足住

般若綱要卷前

三十

34





四無量	慈喜捨悲
四攝法	布施利行同事愛語
四無畏	正等覺無畏 畏漏盡無畏
四無礙	障法無礙 盡苦道無礙
十行	離歡喜行 離礙亂行 饒益行 樂說無礙 無瞋恨行 無盡行
十忍	戒忍 無知見忍 定忍 慧忍 解脫忍 無生忍 無願忍 無相忍 無常忍
十力	知是處非處智力 知過現未來業報智力 知諸禪解脫三昧智力 知諸根勝劣智力 知種種界智力 知天眼無礙智力 知一切至處道智力 知一種種解脫智力 知一切智

37

般若綱要卷前

三三

十八不共法	知宿命無漏智力 知永斷習氣智力 無異想 無不定心 念無失 欲無減 精進無減 見無減 慧無減 捨 解脫無減 解脫知 一切口業隨智慧行 一切身業隨智慧行 一切意業隨智慧行 智慧知過去世無礙 智慧知未來世無礙 智慧知現在世無礙
三十二相	
八十隨好	
一切智	
道相智	
一切相智	

38

般若綱要卷前

三四

一切相微妙智
一切陀羅尼門
一切三摩地門
無忘失法
恒住捨性
真如法界
法性
不虛妄性
不變異性
平等性

39

般若綱要卷前

三五

法定
法住
實際
虛空界
不思議界
十一智法 <small>智</small> 比智 他心智 世智 苦智
<small>智集</small> 滅智 道智 盡智 無生智
如實智
三三昧 <small>有覺有觀</small> 無覺有觀 無覺無觀
三根 <small>未知欲知根</small> 智根
三解脫門 <small>無空願</small> 無相

40

般若綱要卷前

三六

十六知見	我眾生	壽命生者	養育士夫
使受者	補持伽羅	意生儒童	作者
使作者	起者	使起者	受者
知者	見者		
三十七助道品	四即四念處	五根	五力
入正道	正勤	四如意足	七覺支
見附	四悉檀	一世界悉檀	二為人悉檀
論曰	四悉檀中總攝一切	四第一義悉檀	
十二部經	八萬四千法藏		
三觀	中空假		
龍樹亦名	傷云因緣所生法我說即		
是空亦名	為假名亦名中道義		
六相義	異成壞		
大般若經關鍵			

41

般若綱要卷前

三七

般若	譬彼神丹能		
點化世出世間法			
無生	無著	無住	無二
無捨	無取	無護	無勤
無思	不垢	不淨	不增
不減	無縛	無脫	無別
無斷	不合	不散	
空相	離相	寂滅相	寂靜相
無相	無願	無作	無諍
無所得	但有名	畢竟淨	不可得
無二為方便		無生為方便	

42

般若綱要卷前

三八

無所得為方便

一切法門亦如是

不著色有性不著色無性

不著色常不著色無常

不著色樂不著色苦

舉色而受想行識皆然一切法亦然

修行般若波羅蜜時不見若相應若不相應

不著色寂靜 不著色不寂靜

色不與受合 受不與想合

想不與行合 行不與識合

般若綱要卷前

三九

43

般若綱要卷前

四十

過去世不與現在世合

現在世不與未來世合

薩婆若不與佛合 佛不與薩婆若合

佛不與菩提合 菩提不與佛合

修行般若波羅蜜多時不見諸法性差別故。

前列世出世諸法。卽次以般若關鍵者。苟學人

敏利。知此。則世出世諸法。總皆融化為般若矣。

如曰。無生。則法法皆無生。如曰。無二。則法法皆

無二。直至向後。無縛。無脫。不垢。不淨。等類。此推

去。六百卷般若。思過半矣。古南沙門通門記。

44